



Syrochaldaico. Sar verò, idem valet ac gladius. Item Sara furem impiumque significat. Ex utraque igitur parte integrum coalescens nomen, Sifara, significat Librum furtivum. Quæ duo arma nefarii exercitus contra militiam Dei decertantes movent, dum aut impio gladio nostros persequuntur, quod in Anglia non semel, & in aliis sæpè Hæreticis, infidelibusque Regnis factum dolemus. Et libris etiam furtivis, quibus divinas Scripturas subdole auferant, detorque, sacrilegæque ausu profanare pergunt, impiissimique calamosphææ sacra dilacerant volumina. Vide Serarium quæst. 31. & Greferum Præfatione ad Bellarmini defensionem.

§. V.

Metatio aciei carnalis sapientie.

Jud. 5. 19. 1744 A signatur v. 19. Venerunt Reges, & pugnauerunt, pugnauerunt Reges Chanaan in Thanac juxta aquas Maggedo. Est autem Thanac, error mortalis occidens, à radicibus ihgha, id est, errare, & nacha occidere. Malo scilicet omine, & nomine ibi castra metata. Maggedo verò idem quod delicia, voluptates, à themate magad, id est, poma, & inde symbolice delicia Job. 5. 26. Apoc. 18. 14. Egregia porrò castrorum metatio, & tali exercitui digna; quo enim alio loco sapientie carnis copie insisterent, quam in Thanac occidentis erroris convalle? Quibus aliis muniretur repagulis ejus exercitus, quam aquis Maggedo, id est, voluptatis flumine? At ut errans, & luxuriosa acies citius profigaretur, ea debuit esse militaris statio. Quo utroque nomine Thanac, & Maggedo, id est, errore, & delitiis intellectus, & voluntatis corruptela designatur. Juxta aquas Maggedo, quia ab errore ad delicias & voluptates proximus est transitus, & è contrâ.

clesiam, ubi Dominus, Dominicique alumni de sapientia carnis, omnique ejus exercitu triumpharunt. Porrò quòd Ecclesiastica & Religiosa Dominici militia, Romæ, id est, in excelso Romanæ Ecclesiæ loco statuenda prædicta est, emphasim habet sublimis tum sapientie, tum perfectionis Evangelicæ, quæ errori, & libidini opponuntur contrarii exercitusstationi. Ex hac enim Romana sapientie & sanctitatis celsitudine Dominicus, ejusque Familia universam errorum & libidinum castrametationem expugnant, hostilesque profligant Gentium, atque Hæreticorum phalanges in Thanac, id est, errore, & Maggedo, id est, voluptate constitutas.

Vidisti exactas rerum collationes, nominumque, & factorum similitudines; commixtas acies aliquantisper symbolicis armis sese oppetentes spectare poteris: stantem illinc sapientiam carnis, stans hinc Dei verbum in Prædicatorio Ordine eximie virtutis: illinc rebellem duces incredulitate & inobedientiâ constantem; hinc item fulguranti cælestis sapientie lumine, atque incredibili obedientie celeritate S. Dominicum; illinc turpitudinis, & ignorantie exercitum equis significatum; hinc Doctorum, ac Magistrorum Dominicanorum copias. Prodeunt illi ex errore, & libidine, procedunt hi Angelica comitati militia in Romanæ, ac Religiosæ celsitudinis sapientiâ, & perfectione. Initur prælium, conferuntur manus, fugant, profligantque sapientiam carnis, ejusque alumnos S. Dominicus, Prædicatoriaque illius Familia. Et quidem adeò profligati sunt hostes, ut eorum cadavera Cifonis, Cadumimque fluctibus advolverentur. Judic. 5. 21. Torrens Cifon traxit cadavera eorum, torrens Cadumim, torrens Cifon. Utrouque hoc nomine vocatur fluvius, qui Thabore ortus hinc inde in utramque Orientis, & Occidentis partem vehementi alveo proripitur. Cifon fortitudinem significat; Cadumim LXX. antiquitatem interpretantur. Et utramque amplectitur interpretationem Jonathas Chaldæus. Nempe tota litteraria de hostibus Ecclesiæ victoria antiquitati doctrinæ bona ex parte tribuere debet Prædicatorium Sodalitium: nam sapientia divina, quæ has cælestes instruit acies ex antiquis est Proverb. 8. 23. Posset tamen verti Cadumim ad mentem LXX. Interpretum, Principatus: nam Græcè est χερσῶνος ἀρχαίων, id est, flumen Principatus. Porrò sapientia Dei flumini fluctibusque ingentibus passim confertur in litteris inspiratis. Igitur fluctus hos rapidissimos, qui hostium cadavera devoluta rapuerunt, non obscure innuere interpretamur Evangelicæ doctrinæ, atque eloquentie flumen, quod totam Prædicatoriam Familiam irrigat & exundat, ac per illam copiosè sese diffundit vehementi quidem alveo, & cui humana sapientia carnis manus dat devicta. Et sicut Cifon, seu Cadumim Thabore monte defluebat, id est, lucis puritate, ita Evangelica hæc doctrina ex purissima sublimi luce

oritur. Rehtë autem illius rapidissimum alvum Cifon, id est, fortem dixeris, necnon & Cadumim, id est, Primum; nam quæ doctrina, quæque Evangelica expositio Primum præ se fert, id est, quæ unum totius Evangelicæ militie primatum agnoscit, ea fortissima supra Dei hostes est: & talis procul dubio semper extitit Dominicani Ordinis doctrina. Neque obest quod c. 4. 9. pro eo, quod Vulgatus legit, In hac vice victoria non reputabitur tibi (Baraco) LXX. legunt, non erit primatus tuus super viam, quam tu ambulat; potius enim hæc pro nobis sunt. Cum enim Barac totum bellum detrectaret, nisi Debora, id est, verbo Dei, comite; neque enim suis fidebat viribus; id ipsum confirmat Debora annuens: Ibo, inquit, sed victoria tibi non tribuenda, neque primatus hujus negotii tuis viribus adscribendus, sed divino Verbo, divinaque sapientie, quod verissimum est. Non enim Barac, quæ persona privata, aut primatum gessit, aut propria sapientie auctoritate, atque militari virtute prælium confecit, sed Debora comite, id est, Dei verbo, seu Oraculo divino, & Jabele adjutrice, de qua postea. Ita S. Dominicus, verus Barac, non à se solo habuit quod Prædicatorie Familie caput esset, tantæque nominis celebritate & gloriâ, ex tot reportatis triumphis, potiretur; sed à Deo, à Debora comite, id est, Dei verbo, sive Oraculo divino, divinaque sapientie; & Jabele adjutrice, id est, Prædicatoria, Minerviaque militia, ut jam explico.

§. V I. Finis prælio datus à statu Religioso ex meditatione, & actione mixto; Scholis, & Academicis florent.

1745 Curru magnifico suas circumvestabatur acies Sifara; sed eodem, quo totus ejus exercitus pavore fractus, & conlitteratus de curru illo exiit, pedibusque cepti fugere: Fugiens autem pervenit ad Tentorium Jabel uxoris Haber Cinea. cap. 4. 17. Operus est ab ea pallio, & jam jam operiendus aquam petere, fugâ, sudore ac metu exhaustus. Ipsa verò Jabel in portum lac Sifaræ dedit, quo celerrimè, & altissimè fuit soporatus. Tunc ad eum Jabel cum malleo venit & clavo, quem in ejus defixit tempora, per calvam, & cerebrum, in terram utque valentissimè impellens: atque ita finis prælio datus, ac de immanissimo, potentissimoque hoste triumphus revertis.

1746 Etenim Jabelis nomen significat Meditationem, & actionem, à verbo halal, meditari, & agere. Hæc insignis femina uxor fuisse dicitur Haber Cinea; Cineaos autem de civitate palmarum, quæ Engaddi est, adventasse constat ex capite 1. Judic. vers. 16. Hic planè vir Religiosi status ordinem, & signum mihi Prædicatorium per Engaddi designatum, adumbravit. Erant enim Cinea, familia quædam Religiosorum in lege veteri, ut bene probat noster Serarius lib. 3. Trihæresium cap. 9. & 10. Juvatque interpretatio nominis Haber, id est, Congregatio, conventus, Societas; qua ejusdem Ordinis Religiosi adstricti esse debent. Huic autem viro Jabel, id est, vita mixta ex meditatione, & actione connubio, quia Religiosum ordinem utrumque decet, & meditari, & agere. Et utrumque excellentissimo modo resplendet in Dominicana Familia, quæ non tantum sibi utilis est, sed alienis etiam proficua, mitè in ea confederatis actione, & contemplatione. Diximus per Deboram, quæ Verbum Dei sonat, divinum verbum designari in Prædicatorio Ordine magna operante. Addiderim, eundem Ordinem in Jabele præsignatum; Jabel enim cum Debora in victoria, gloriæque societatem venit; penesque quod in Debora optimum & maximum est, delibat. Unde quasi de una dumtaxat femina dicitur de utraque cap. 4. 9. In manu mulieris tradetur Sifara. Pergo.

Quia verò Religioso statui, qui meditatione, & actione constat, litterarum studia ad Ecclesiam Dei propugnandam, & muniendam quam propriissima sunt; proterea uterque conjux Haber, & Jabel litteris vacantes describuntur. Et quod ad virum attinet Cinea, Scribam, Doctoremque sapientissimum fuisse multi exstant apud Serarium proximè memoratum: & ex generali Cineaorum historia constat 1. Paral. 2. 55. Cognationes quoque scribarum habitantium in Jabele canentes, atque resonantes, & in tabernaculis commorantes, id est, in scholis. Hi sunt Cinea. Scribæ vocantur, quòd divinarum rerum periti, sacrorum librorum, legumque peramantes, ac studiosi essent. Talis Haber Cineaus Jabelis vir.

1747 Quod attinet ad sceminam Jabel, etiam illam scholis incubuisse attestatur Jonathas Chaldæus Jud. 5. 14. quæ enim Vulgatus legit: Benedicla tu inter mulieres Jabel uxoris Haber Cinea, & benedicatur in tabernaculo suo, Chaldaica paraphrasis sic exponit: Benediceres præ benedictione mulierum Jabel uxor Haber Salmæ, fuit una ex mulieribus, quæ tractant, & perscrutantur in Scholis. Optimum profectò par doctissimorum Conjugum, quorum nomina Haber, & Jabel religiosum illum statum complent, qui culmen tenet perfectionis ex contemplatione & actione mixtus, qualis præ aliis, vel inter alios, Prædicatoria Familia. Non contendimus extra hunc Religiosum statum sacra studia non esse, sunt illa universæ Ecclesiæ communia. At hoc volumus, Religiosum hujusmodi ordinem tum in veteri, tum in nova maxime Ecclesia, Scholis, Academicisque semper floruisse. Vide hac de re Paleonidorum lib. 1. de Antiquitate & sanctitate Eremitarum c. 5. lib. 1. & lib. 2. cap. 1. 2. & 3. nostrum Platini de bono Status Religiosi lib. 2. cap. 19. 20. 21. 22. quæ sunt de Antiquitate & progressu Religiosi Status, & cap. 25. 28. 29. 32. 33. quæ sunt de ejusdem doctrina. Vide etiam Coriam in Dilucidario Chron. & Antiquit. Ordinis Carmeli lib. 7. Certè quidem in utroque testamento legitimus Religiosas Familias Academiis semper habuisse, in quibus Haber Cineaus, id est, Religiosus status cum compari Jabel, mixta scilicet vita, Ecclesiæ flos bonis litteris instituerit. Hoc autem ad Dominicanam Familiam spectare signatum, quis neget? cum illa tot Scholis, & Academicis semper floruerit, adeò ut per annos plures rari fuerint in Republica litteraria alicujus nominis viri doctrinâ sacrâ conspicui, cui Dominica